

**გზამკვლევი**

**ა(ა)იპ სასწავლო აღმზრდელობითი და ზოგადსაგანმანათლებლო სამეცნიერო ცენტრ „ეტალონში“ ახალი კორონავირუსით (SARS-CoV-2) გამონეულ ინფექციასთან (COVID-19) დაკავშირებით**

**1. სკოლის შენობაში გადაადგილების წესი:**

- ❖ სკოლის შენობაში შესვლა მასწავლებლების, თანამშრომლებისა და ვიზიტორებისთვის დასაშვებია მხოლოდ პირბადით, ხოლო საჭიროების შემთხვევაში სხვა ინდივიდუალური დაცვის საშუალებებით - დამცავი ფარი/დამცავი სათვალეები, ბახილები, ხალათები;
- ❖ პირები, რომლებიც ატარებენ თერმოსკრინინგს, ვალდებული არიან ეკეთოთ პირბადე და იცავდნენ 1 მეტრიან დისტანციას;
- ❖ თერმოსკრინინგისას ცხელების - 37°C ან 37°C -ზე მეტი ტემპერატურის დაფიქსირების შემთხვევაში, პირი ექვემდებარება მოსაცდელ სივრცეში გადაყვანას და ტემპერატურის გადამოწმებას ვერცხლისწყლის თერმომეტრით 15 წუთიან შუალედში.

**2. ზოგადი შიდასკოლო რეგულაციები:**

- ❖ სკოლის დირექტორის ბრძანებით განსაზღვრული პირი (შემდგომში სკოლის ექიმი), ვალდებულია ვერცხლისწყლის თერმომეტრი დაამუშაოს სადებიინფექციო ხსნარით ყოველი გამოყენების შემდეგ;
- ❖ სიცხის გადამოწმების შემდეგ 37°C ან 37°C -ზე მეტი ტემპერატურის დადასტურების შემთხვევაში ნებისმიერი პირი (გარდა მოსწავლისა, რომელიც დამოუკიდებლად მოვიდა სკოლაში) არ დაიშვება სკოლაში და ვალდებულია მიმართოს ოჯახის ექიმს;
- ❖ სკოლაში დამოუკიდებლად მოსული მოსწავლე, რომელსაც სიცხის გადამოწმების შემდეგ დაუდასტურდება 37°C ან 37°C -ზე მეტი ტემპერატურა, სკოლის დირექტორის მიერ ბრძანებით განსაზღვრული პასუხისმგებელი პირის მეთვალყურეობით უნდა განთავსდეს სპეციალურად გამოყოფილ საიზოლაციო ოთახში. მეთვალყურეობაზე განსაზღვრული პირი ვალდებულია მოსწავლეს მოარგოს პირბადე და დაუყოვნებლივ დაუკავშირდეს მშობელს/კანონიერ წარმომადგენელს, რომელიც ვალდებულია მოსწავლის სკოლიდან დროულად გაყვანაზე;
- ❖ მშობლის/კანონიერი წარმომადგენლის გონივრულ ვადაში სკოლაში გამოუცხადებლობის შემთხვევაში, სკოლა უკავშირდება 112-ს შესაბამისი სამედიცინო სერვისის მისაღებად, გადამისამართების მიზნით;
- ❖ საიზოლაციო ოთახში მყოფ მოსწავლეებს შორის დაცული უნდა იყოს 1 მეტრიანი დისტანცია . მთელი ამ დროის განმავლობაში მოსწავლეებთან რჩება მეთვალყურე.
- ❖ დაფიქსირებული ცხელება სკოლის ექიმის/კლასის დამრიგებლის მიერ აღირიცხება სკოლის დირექტორის მიერ დამტკიცებულ აღრიცხვის ფორმაში;
- ❖ დღის განმავლობაში სკოლის შენობაში მყოფი ნებისმიერი პირის ჯანმრთელობის მდგომარეობის გაუარესების შემთხვევაში, პასუხისმგებელი პირი გადაამოწმებს ტემპერატურას და იმოქმედებს დადგენილი ნორმის შესაბამისად;

- ❖ დაუშვებელია რესპირატორული ინფექციისთვის დამახასიათებელი სიმპტომების მქონე (ხველა, ცემინება, სურდო, სუნთქვის გაძნელება, საერთო სისუსტე და ა.შ.) პირების (მასწავლებლების, თანამშრომლებისა და მოსწავლეების) დაშვება დაწესებულების შენობაში;
- ❖ რესპირატორული სიმპტომების (ხველა, ცემინება, სურდო, სუნთქვის გაძნელება, საერთო სისუსტე და ა.შ.), ან ცხელების სასწავლო პროცესის დროს გამოვლენის შემთხვევაში, მოსწავლე (პირბადით) დროებით გადაყვანილი უნდა იყოს საიზოლაციო ოთახში კანონიერი წარმომადგენლის მოკითხვამდე; მშობლის/კანონიერი წარმომადგენლის გონივრულ ვადაში გამოუცხადებლობის შემთხვევაში, სკოლა ვალდებულია დაუკავშირდეს 112-ს შესაბამისი სამედიცინო სერვისის მისაღებად გადამისამართების მიზნით.

### **3. მოსწავლეების ვალდებულებები:**

**ახალი კორონავირუსით (SARS-CoV-2) გამოწვეულ ინფექციასთან (COVID-19) დაკავშირებით თითოეული მოსწავლე ვალდებულია შეასრულოს შემდეგი:**

- ❖ დაიცავით ჰიგიენის წესები;
- ❖ დაიცავით სასწავლო დაწესებულების მიერ დადგენილი წესები;
- ❖ დაიმუშავეთ ხელები სადეზინფექციო ხსნარით იმ შემთხვევაში, როცა ვერ ხერხდება ხელების დაბანა თხევადი საპნით და ერთჯერადი ხელსახოცით გაშრობა;
- ❖ დაიბანეთ ხელები წყლითა და საპნით ხილული დაბინძურების შემთხვევაში ან ბიოლოგიური სითხეების მოხვედრისას;
- ❖ დახველებისა და დაცემინების დროს მიიფარეთ სუფთა ხელსახოცი (რომელიც ერთჯერადი გამოყენების შემდეგ ექვემდებარება გადაგდებას) ან მოხრილი იდაყვი;
- ❖ მოერიდეთ ხელებით თვალებზე, ცხვირსა და პირზე შეხებას;
- ❖ სწავლების პერიოდში უზრუნველყავით თმის შეკვრა/მჭიდროდ დამაგრება, რათა მაქსიმალურად შეიზღუდოს თმების სახის ზედაპირთან შეხება;
- ❖ არ გამოიყენოთ სხვისი ნივთები;
- ❖ ჯანმრთელობის მდგომარეობის გაუარესების შემთხვევაში მიმართეთ პასუხისმგებელი პირს.
- ❖

### **4. მშობლის/კანონიერი წარმომადგენლის ვალდებულებები:**

**ახალი კორონავირუსით (SARS-CoV-2) გამოწვეულ ინფექციასთან (COVID-19) დაკავშირებით სკოლის ყველა მშობელი/კანონიერი წარმომადგენელი ვალდებულია შეასრულოს შემდეგი:**

- ❖ ცხელების/რესპირატორული დაავადების შემთხვევაში არ გაუშვათ მოსწავლე სკოლაში;
- ❖ ცხელების/რესპირატორული დაავადების სიმპტომების გამოვლენის შემთხვევაში დროულად გაიყვანეთ მოსწავლე სკოლიდან და უზრუნველყავით ბავშვის მიმართვა ოჯახის ექიმთან, ან ცხელების ცენტრში, შესაბამისი სამედიცინო მომსახურების მისაღებად და PCR -ტესტირების ჩასატარებლად;

- ❖ სახლის პირობებში ჯანმრთელობის მდგომარეობის გაუარესების შემთხვევაში შეატყობინეთ კლასის დამრიგებელს;
- ❖ ცხელების ან სხვა რესპირატორული დაავადების სიმპტომების გამოვლენისას უზრუნველყავით ბავშვის მიმართვა ოჯახის ექიმთან, ან ცხელების ცენტრში, შესაბამისი სამედიცინო მომსახურების მისაღებად და PCR -ტესტირების ჩასატარებლად.

## 5. სკოლის დირექციის ვალდებულებები

### ახალი კორონავირუსით (SARS-CoV-2) გამონვეულ ინფექციასთან (COVID-19) დაკავშირებით სკოლის დირექცია/ადმინისტრაცია:

- ❖ ვალდებულია უზრუნველყოს სკოლის აღჭურვა ყველა ტიპის სადებინფექციო ხსნარებით;
- ❖ ვალდებულია უზრუნველყოს ხელების სადებინფექციო ხსნარის განთავსდება სკოლის შემოსასვლელებში, ყველა სართულის დერეფანში, სამასწავლებლოში, ადმინისტრაციის ოთახში, საპირფარეშოში და ყველა ოთახში, რომელსაც იყენებენ მოსწავლეები, მასწავლებლები და სკოლაში დასაქმებული ან/და სკოლის ტერიტორიაზე მყოფი პირები;
- ❖ სკოლის დირექტორი ვალდებულია ინდივიდუალურ-სამართლებრივი აქტით განსაზღვროს თერმოსკრინინგზე, მონაცემების აღრიცხვაზე, **სადებინფექციო საშუალებების მარაგების შენახვა/დასაწყობება/გაცემაზე**, საიზოლაციო ოთახის ზედამხედველობაზე და ნაკადების მართვაზე პასუხისმგებელი პირები;
- ❖ ვალდებულია უზრუნველყოს ზედაპირის სადებინფექციო ხსნარების შენახვა რომელიც უნდა იყოს განთავსებული საკლასო ოთახებში, ბავშვებისთვის მიუწვდომელ ადგილას. მსგავსი ხსნარებით დამუშავდება ყველა ზედაპირი რომელსაც ეხება მოსწავლე;
- ❖ უზრუნველყოფს სკოლის აღჭურვას შესაბამისად (პირბადეების შესაბამისი მარაგი, თხევადი საპონი, ხელსახოცი ქაღალდი და ა.შ.);
- ❖ უზრუნველყოფს ჰიგიენის ნორმების დაცვას და მის მონიტორინგს სკოლის მთელ ტერიტორიაზე;
- ❖ უზრუნველყოფს სკოლებში საინფორმაციო შეხვედრების ჩატარებას ხელის ჰიგიენის საკითხებზე. ამყარებს უწყვეტ საინფორმაციო კომუნიკაციას ხელის ჰიგიენის მნიშვნელობის შესახებ COVID-19 ვირუსის გავრცელების თავიდან ასაცილებლად;
- ❖ აწვდის ინფორმაციას მასწავლებლებს, თანამშრომლებსა და მოსწავლეებს SARS-COV2 ვირუსთან დაკავშირებული პრევენციული ღონისძიებების შესახებ (თვალსაჩინო ადგილას განათავსებს ხელის ჰიგიენის, პირბადის ტარების, ხველის ეტიკეტისა და სხვა შემახსენებლებს);
- ❖ ატარებს შეხვედრებს მასწავლებლებთან, მშობლებთან მაქსიმალურად დისტანციური სერვისების გამოყენებით.
- ❖ უზრუნველყოფს შემდეგს: სკოლაში ცხელების, რესპირატორული სიმპტომების დაფიქსირების ყველა შემთხვევის შემდგომ მოსწავლეების, მასწავლებლებისა და თანამშრომლების სასწავლო დაწესებულებაში დაშვება ხდება PCR ტესტირების დასკვნის საფუძველზე (COVID-19 -ით ინფიცირების არ არსებობის შემთხვევაში);
- ❖ უზრუნველყოფს ჰიგიენის, პირბადის ტარების, ხველის ეტიკეტისა და სხვა შემახსენებლების განთავსებას სკოლის შენობაში ყველა სტრატეგიულ ადგილას.

- ❖ მოსწავლის/თანამშრომლის COVID-19-ით ინფიცირების დადასტურების შემთხვევაში უზრუნველყოფს ეპიდსაწინააღმდეგო ღონისძიებების გატარებას. ამასთან კონტაქტების მოძიებისა და კარანტინის/თვითიზოლაციის თაობაზე გადანყვეტილებებს იღებს საზოგადოებრივი ჯანდაცვის სამსახურების რეკომენდაციების შესაბამისად.
- ❖ სკოლის დირექტორი ინდივიდუალურ-სამართლებრივი აქტით ამტკიცებს დაკვირვების ფორმებს, რომლიც წარმოადგენს ინსტრუმენტს სკოლაში პროცესების მონიტორინგისთვის;
- ❖ ვალდებულია აღრიცხოს მარაგები, უზრუნველყოს მათი დროული განთავსება სკოლის შენობის სხვადასხვა/შესაბამის სივრცეებში, დროულად აღმოფხვრას წარმოქმნილი დანაკლისი.

#### **6. მასწავლებლები**

- ❖ საგაკვეთილო პროცესის დროს მასწავლებელი ვალდებულია ეკეთოს პირბადე იმ შემთხვევაში, თუ მაგიდები განლაგებულია იმგვარად, რომ მასსა და მოსწავლეებს შორის შეუძლებელია 2 მეტრიანი დისტანციის დაცვა;
- ❖ სკოლის საერთო სარგებლობის სივრცეებში (მათ შორის, დერეფანი, კიბის უჯრედი, სამასწავლებლო და ა.შ.) ყოფნისა და გადაადგილებისას ყველა პირს (გარდა მოსწავლეებისა) უნდა ეკეთოს პირბადე, მათ შორის დასვენებების პერიოდში.